

城華閣集古錄跋尾已篇

城華閣集古錄跋尾已篇

膠州柯昌濟純卿學

彝

荷彝

右荷彝文一夏商器荷即古箠字象矢箠形羅先生說龜甲文箠字象矢在箠中也箠當紀賞賜之事其事如周代器銘所謂錫箠弼魚荷之事

矢彝

右矢彝文一夏商器字象矢箠形或即矢之省文亦紀賞賜也

旂彝

右旂彝文一夏商器旂紀賞賜如周器所銘之錫旂之事是也

舟彝

右舟彝文一虞夏器字形頗似舟形疑爲最古之舟字或爲舟類器物之字
所紀未詳

刃彝

右刃彝文一夏商器字从手持刀割炙形殆爲古刃字說文刃象刀有刃之
形其誼或未盡也

戈彝

右戈彝文一夏商器誼詳戈鼎

示彝

右示彝文一夏商器示字誼詳示己祖丁父癸鼎此字中與彼器示字正同
旁加酒形亦示之古文也示紀祭祀之事

鬲

右門鬲文一夏商器門字門字从兩人執兵即戈省形相門形門紀地名殷虛書契有門地金文又有門牂爵門牂當爲殷代人名蓋封于門地之君長也此單銘一門字當即門國之器此器舊名雙鳳鬲从羅先生說更正

子刀

右子刀鬲文二商器刀或紀賞賜之物

亞吳

右亞吳鬲文二商器亞吳二字商及周初時之金文常見之今審其義蓋紀古諸侯之爵次也亞字之古訓有二一訓醜說文曰亞醜也象人局背之形是也二訓次說文引賈侍中說曰以爲次第也王注引易繫詞天下之至嘖

而不可惡也釋文荀作亞亞次也尙書大傳王升舟入水鐘鼓惡鄭注惡讀爲亞亞次也是也吳即古疑字亞吳之亞當訓次爲是疑者官名禮記文王世子日記曰虞夏商周自師保有疑丞設四輔及三公尙書大傳前曰疑亞吳當即係古代疑官之別稱稱亞則當取再命之誼考商代周先君有亞圉殷有惡來惡亦亞之假字皆曾爲殷代亞官者詩大雅侯亞侯旅侯爲維之訛字毛傳皆訓侯爲惟蓋傳寫之誤亞官蓋周初尙存殷制也尙書序有疑至臣扈疑亦即金文之吳矣論語亞飯干次三飯四飯之上亦取亞次之誼

癸山彝

右癸山彝文二夏商器癸紀人字山或紀地名人名考此器字體純古疑夏季物也以日干爲名雖爲殷季盛行之俗疑其制則或因於夏代者夏帝有

孔甲履癸臣有翁難乙子見器殷之先君自核以後湯以上之世次若微爲上甲若報丁報乙報丙主壬主癸凡六世皆以日干爲名者且翁難乙爲啟臣在夏之初世上甲之世當在夏之中葉古代禮俗動依龜筮龜筮之用幹支爲先斯者或取名日干之大因要非專爲有殷一代之制也斯器之癸或夏人以干命名之一徵歟

京羊彝

右京羊彝夏商器與京羊鼎銘同文

伐彝

右伐彝文二商器从人執戈形疑即伐之古文所紀當係征伐之事戊當是人名

林亞彝

右林亞彝文二商器未著錄林亞疑若丙寅角南亞之稱林當爲國族名也
金文又有林玃作父辛鬲是林爲國族之證若讀爲林作亞彝之省文金文
祇有某作父某器省爲某父某下文必爲父某此與往例不合也逸周書史
記解林氏與上衡氏爭權又王會解有夾林國山海經亦有林氏國考林氏
又即古籍之於陵棫林央林皆一音之轉其地當在今陝西東部

保彝

右保彝文三夏商器保疑古官名禮記文王世子虞夏商周有師保有疑丞
金文有疑官故此保字疑亦乃官名也

戚彝

右戚彝文三商器戚从戊从漆古文漆即漆象樹出象形从戊蓋戚揚戚之本字

家彝

右家彝文四商器旛旅車合文

昆彝

右昆彝文四西周中葉器首字昆之古文說文昆同也从日从比乃後起誼
从比或从手形之訛此文可證

甸彝

右甸彝文四商器殷契甸字同此說詳羅先生考釋中

般彝

右般彝文三商器般或係作器者之名

襄彝

右襄彝文五西周中葉器襄器與辭侯盤襄字正同說文襄亂也籀文作𦉰亦合

隰彝

右隰彝文五商器或周初器說文無隰字疑𦉰之古文

御父彝

右御父彝文五商器殷契御字同此案人執鞭形以御馬也

凌彝

右凌彝文五西周初葉器古文陵不从凌凌爲專訓凌犯之字象人戴角形取凌人猶如戴角之類之義也

臣訛彝

右臣訛彝文五商器訛即古譁字今字作陴王作臣訛彝乃王爲其臣所作器也

有彝

右有彝文五商器有誼未詳

雍妣彝

右雍妣彝文六西周初葉器雍國名雍妣當是雍君之妻雍文之昭也見左傳此器與雍伯鼎疑皆一國一時之器

伯丙彝

右伯丙彝文五西周中葉器列子昔馮夷大丙之御也張注考爲伯回其是

否此人則不敢效宋人之強說矣

自彝

右彝自文六西周中葉器文云自作曼仲尊彝自蓋曼仲之後人也曼即左傳之蠻氏國說詳阜鼎

比彝

右比彝文七商器伯帚帚婦假字帚下字當是骨之古文象人骨骼形也說文骨體之質也引補 依御覽从冎有肉案乃後起誼古文當爲象形之字小篆之字

即从古象形字所變耳骨即伯婦名也

骨通滑古人常以滑爲名如公孫滑是也

商婦彝

右商婦彝文七商器商婦商國世婦宗婦之稱也婦稱亦常見於卜詞者

穎彝

右穎彝文五商器說文穎从頃聲此文从禾从頁頁古訓首與穎字誼亦合則會意之字矣

太史友彝

右太史友彝文九西周初葉器召公當指召康公爽友亦召氏族也

仲彝

右仲彝文九西周中葉器中古仲字好即商姓之子从女與姜姬等字同也文云作好彝金文之例凡云某作某器之文多乃子孫爲考妣所作者其稱其先人商代以日干如祖甲妣乙是也周代則以諡稱爵稱如召公奭叔之類是也婦人則稱其姓故知此文之好非人名而爲女姓也金文中列國之

姓如姬姜等姓皆所常見唯子姓僅見此器

司土彝

右司土彝文九西周中葉器阮氏說曲禮天子之六府一曰司土鄭注土均也案司土當讀如司徒考之金文周初司徒之徒但用土字末葉乃用徒字矣巧考假字說文巧氣欲舒出勺上礙於一也巧古文目爲亏字又以巧字案巧古當訓朽象物朽氣出狀朽考音誼皆近故相假借也

庚姬彝

右庚姬彝文十一西周中葉器庚氏又見庚嬴卣與此器之庚姬當係一族也庚姬庚氏妻稱鬻女鬻當通將送也詩之子于歸百兩將之

櫛彝

右榭彝文十三西周初葉器榭古栝字今文作杯是也

伯號彝

右伯號彝文十六西周中葉器第二字从卜从虎省疑號之省文第三字未詳作字反書第五字泐

遽伯還彝

右遽伯還彝文十三西周初葉器或商器遽氏又見遽仲尊俞尊蓋古國名也文有錫貝之事案廣韻引周書云武王悅箕子之對錫貝十朋可徵周初承商舊俗猶用貝貨西周中葉以後之金文則無錫貝之語知其時貝制已爲金幣所更替矣

滕虎彝

右滕虎彝文十四西周末葉器滕舊釋然案滕侯簋滕字與此正同滕騰古殆一字从火从尖象騰起之狀也从舟或是籒文禮記檀弓滕伯文爲孟虎齊衰其叔父也鄭注伯文殷時諸侯疑孟虎或即此器滕虎殷時之滕國載籍無考鄭注殆據禮制爲說也

禾彝

右禾彝文十六東周末葉器𪔐古懿字从𪔐从心𪔐即古禋字見叔鼎及西清古鑑之毛伯彝文禋懿音近懿殆从禋聲也此器文中之禾疑即田太公和也禾和古字通假無定金文拍盤予釋爲齊田莊子白之器此器書勢與之極類且與膠西出土之陳氏三器文字尤近蓋皆田齊之物莊子徐無鬼篇田禾一覲我而其衆三賀之田和和字作禾尤爲禾和二字通假之徵

史敖彝

右史敖彝文十九西周中葉器原仲案左傳畢原酈郇文之昭也史敖蓋原氏之族

再彝

右再彝文十八西周中葉器首字从佳从人當即隹字說詳隹叔簋季日乙以日干爲稱商人之制也肅舊釋費誤从聿从乂與卜詞文同肅或紀國族名甲骨文肅國子姓股同宗肅字皆作肅此文既有日乙之文名從商俗其肅國之宗器與

禽彝

右禽彝文廿三西周中葉器楸侯周諸侯楸字从林从存聲存即去字見卜

詞亦地名卜詞王田于去是商代有去地楸字既从去聲或即卜詞之去舊釋鄘侯非是某說文酸果也从木从甘闕案某疑禱之段字禮記月令以太牢祠于高禘詩商頌傳高辛妃簡狄帝與之祈于郊禘而生契是也說文無祝字祝或禰之古文兒爾皆一聲之字禮記王制假于祖禰堯典格于藝祖本或作祖禰是也蓋紀王伐楸侯之時適行高禘與祝禮云禽人名殷重也

三家彝

右三家彝文廿四西周初葉器趙叔人姓名趙西周國名趙叔疑趙國之君也易下字不可識

史望彝

右史望彝文十七西周初葉器占于彝誼未詳或鑄器之時爲占卜之事監